

**Oqaluuserisassat – Utoqqaat pillugit
Siunnersuisooqatigiit aamma Suliffeqarnermut
Isumaginninnermullu Ataatsimiititap ataatsimeeqatigiinnerat**



15. septembari 2020

1. Naatsumik ilisaritinneq

Suliffeqarnermut Isumaginninnermullu Ataatsimiititaq:

Nadia Olsen

Knud Mathiasen

Lone Rosengren Pedersen

Inge Olsvig Brandt (siulittaasoq)

Utoqqaat pillugit Siunnersuisooqatigiit:

Bodil Karlshøj Poulsen

Loritha Henriksen

Søren Joelsen

Laannguaq Lynge (siulittaasoq)

Allaffeqarfik:

Utoqqarnut susassaqarfimmi fagcheffi, Arnannguaq Heilmann Christensen

Stabscheffi, Lise Buchardt (imaqarniliortoq)

2. Utoqqaat pillugit Siunnersuisooqatigiit oqaluuserisassatut kissaataat:


a. Najukkami Ataatsimiititaliamik suleqateqarneq

Utoqqaat pillugit Siunnersuisooqatigiit Qeqertarsuatsiaanukarnissamut Nuummi Najukkami Ataatsimiititaliamut tapiiffigitissallutik qinnuteqarput, qinnuteqaallu Nuummut attuumassuteqanngimmat itigartitaallutik.

Utoqqaat pillugit Siunnersuisooqatigiit angalanissamut tikikkusuffissaminni najukkami ataatsimiititalianut tapiiffigineqarnissamut qinnuteqarsinnaasut ilisimatinnegarput. Najukkami Ataatsimiititaliamit eqaannerusumik aaqqiisoqarsinnaannginnera Utoqqaat pillugit Siunnersuisooqatigiinnit uggorineqaqaaq.

Utoqqaat pillugit Siunnersuisooqatigiit kommunalbestyrelsimut siunnersuisartussatut sulitinnegarnerinik ataatsimiititami siulittaasumit ilisimatitsissutigineqarpoq. Taamaattumik angalanissamut aningaasanik immikkoortitsisoqarnikuunngilaq. Ilaasortat katitigaanerisa aallartitaqarnerat qulakkeerniarlugu inuit innarluutillit pillugit siunnersuisooqatigiinnut aamma utoqqaat pillugit siunnersuisooqatigiinnut assigiinngitsunik suliniuteqartoqarpoq. Illoqarfinnit tamanit siunnersuisooqatigiinni ilaasortaataqarnissaq matumani siunertaavoq. Nuup avataani ajoraluartumik soqutiginninneq takussaavallaanngilaq. Tamanna ataatsimiititamit eqqummaariffigineqarpoq.

Ataatsimiititanut ilaasortaqaarnikkut siammasissumik aallartitaqarneq qulakkeerneqarsinnaatinnagu illoqarfinni Nuup avataaniittuni Utoqqaat pillugit Siunnersuisooqatigiit ornigullutik innuttaasunik ataatsimiititsinissaannut aningaasanik immikkoortitsisoqassasoq siunnersuisooqatigiit kissaatigaat. Utoqqaat pillugit Siunnersuisooqatigiit Nuummi innuttaasunik ataatsimiititsippat, tassanilu Utoqqaat pillugit



Siunnersuisooqatigiit pillugit paasissutissiinissamut siunnersuisooqatigiillu sammisanik eqqortunik oqaluuserinnittarnissaat qulakkeerniarlugu kommunip innuttaanik utoqqarnik oqaloqateqartarnissaq qanoq pisariaqartinneqartiginersoq paasineqarpoq. Utoqqaat pillugit Siunnersuisooqatigiit kommune tamakkerlugu atuupput, aamma illoqarfinni allani utoqqaat atugaannik pisariaqartitaannillu ilisimasaqarnissaq pisariaqartippaat.

Utoqqaat pillugit Siunnersuisooqatigiit kissaataat ataatsimiititami siulittaasumit ilassilluarneqarput kingornalu najoqqutassaqaarnissaq eqqarsaatigalugu ingerlatsivimmi sulisut peqatigalugit eqqartorumallugit. Matumanili kommunimi siunnersuisooqatigiit ilaasortatigut katitigaanerat eqqarsaatigalugu kommunip siammasissumik aallartitaqarluarnissaa qulakkeerneqassasoq aallaaviuvoq. Utoqqaat pillugit Siunnersuisooqatigiit maannamut najoqqutassaqaarnerat qinigaaffiup naanissaata tungaanut atuuttusoq ataatsimiititami siulittaasumit erseqqissaatigineqarpoq, aamma siunnersuisooqatigiit qinigaatitaqarnerat sulinermilu najoqqutassaat taamanikkussamut naliliiffigineqarumaarpoq.

b. Nunani issittuni Utoqqalineq pillugu innuttaasunik ataatsimiititsineq

Nunani issittuni Utoqqalisarneq pillugu ilisimatuussutsikkut nalunaarusiaq ukiup aallartinnerani Utoqqaat pillugit Siunnersuisooqatigiinnit tiguneqarpoq. Nalunaarusiami paasisat kommunimi innuttaasunit amerlanerujussuarnit ilisimaneqarlualearniassammat nalunaarusiap siammarterneqarnissaa Utoqqaat pillugit Siunnersuisooqatigiinnit kissaatigineqarpoq. Nalunaarusiaq pillugu kommunip innuttaasunik ataatsimiititsinissaa Utoqqaat pillugit Siunnersuisooqatigiinnit kissaatigineqarpoq.

Ataatsimiititami siulittaasoq ilisimatitsivoq, nalunaarusiaq kommunimit suliarineqanngitsoq aamma pigineqanngitsoq, taamaattumik aallaaviatigut kissaatigineqartutut innuttaasunik ataatsimiititsinissaq ingerlatsivimmit ingerlanneqassanngitsoq.

Kommune nalunaarusiornermi peqataasimasoq Nuummilu paasissutissat katersorneqarsimasut Utoqqaat pillugit Siunnersuisooqatigiit ilisimatitsissutigaat.

Nalunaarusiamik piginnittut peqatigalugit innuttaasunik ataatsimiititsinissaq aaqqissuunneqassanersoq ingerlatsivimmit aalajangiunneqartussaasoq naggataatigut isumaqatigiissutaavoq.

c. Iisimatusarfimmik suleqateqarneq pillugu ilisimatitsissut

Kalaallit Nunaanni Naatsorsueqqissaartarfimmiit kisitsisit tunngavigalugit utoqqaat Nunatsinniit "qimarrannerat" ataatsimiinnerni arlalinni Utoqqaat pillugit Siunnersuisooqatigiinni eqqartorneqartarpoq.

Utoqqarnut susassaqaarfiup ilisimatuussutsikkut misissuinermi ukkatarineqarnerunissaa innuttaasunullu ingerlateqqillugu Utoqqaat pillugit Siunnersuisooqatigiit Iisimatusarfimmut siunnersuutigaat.

Utoqqaat pillugit Siunnersuisooqatigiit siunnersuutaat Iisimatusarfimmit pitsaasutut isigineqarpoq, tassanilu lektorianik Annette Bilfeldtimik septembarip ulluisa 28-anni ataatsimeeqatigiinnissaq pilersaarutigineqarpoq.

Ilisimatitsissut ataatsimiititamit tusaatissatut tiguneqarpoq, erseqqissaatigaluguli kommune sinnerlugu suliaassanik Utoqqaat pillugit Siunnersuisooqatigiit pisinnaatitaaffiisa avataaniittunik



aallartitsinnginnerminni Utoqqaat pillugit Siunnersuisooqatigiit ingerlatsivillu sunik naatsorsuuteqassanerlutik nalilee qatigeeqqaartassasut.

3. Suliffeqarnermut Isumaginninnermullu Ataatsimiititap oqaluuserisassatut kissaataat Massakkorpiaq soqanngilaq.

4. Taasariaqartut allat

a. Utoqqarnut susassa qarfik pillugu qaammarsaaneq

Utoqqarnut susassa qarfimmi chefiusoq ilisimatitsivoq, angerlarsimaffimmi ikiorteqarnermut, utoqqaat illuinut, iluaqusersuutinut, tulleriissaarisartunut attaveqarnissamut assigisaannullu tunngatillugu, innuttaasut sumut saaffiginnissanerlutik nalunnginniassammassuk maanna qaammarsaaneq ingerlanneqartoq.

b. Qineqqusaarnissaq

Siunnersuisooqatigiit qinigaaffiat qaangiukkiartuaartoq Utoqqaat pillugit Siunnersuisooqatigiit ilisimatitsissutigaat.

Ataatsimiititap siunnersuisooqatigiillu ukiumut ataasiarlutik ataatsimeeqatigiittarneranniit amerlanerusunik naapeqatigiittarnissaat eqqartorneqarpoq.

Pitsaasumik pingaarutilimmillu suleqatigiissimaneq pillugu ataatsimiititap Utoqqaat pillugit Siunnersuisooqatigiit qutsavigai.

